



四庫全書

薈要

【子部】

吉林人民出版社

乾隆
御覽本

四庫全書薈要

子部
第十七冊

欽定四庫全書薈要

子部
唐撫言卷一至三

詳按唐史部主事臣雷純

唐撫言目錄

卷一

統序科第

貢舉釐革并行鄉飲酒

會昌五年舉格節文

述進士上篇

述進士下篇

欽定四庫全書

唐撫言
目錄

散序進士

兩監

西監

東監

鄉貢

廣文

兩都貢舉

試雜文



朝見

謁先師

進士歸禮部

卷二

京兆府解送

元和元年登科記京兆等第榜序

廢等第

置等第

府元落

等第末為狀元

等第罷舉

為等第後久方及第

海迷解送

爭解元

扣貢院門求
試後到附

得失以道

惠恨

卷三

散序

謝恩

期集

點檢文書

過堂

開試

讌名

今年及第明年登科

慈恩寺題名遊賞賦咏雜記

卷四

節操

與恩地舊交

師友

氣義

卷五

切磋

以其人不稱才試而後驚

卷六

公薦門生薦坐主
師友相薦附

卷七

起自寒苦不第即
責附

好放孤寒

升沈後進

欽定四庫全書

唐鑑古
目錄

知己

卷八

通榜

主司撓悶

陰注陽受

夢

聽響卜

自放狀頭

遭遇

友放

誤放

憂中有喜

為鄉人輕視而得者

以賢妻激勸而得者

已落重收

放老

欽定四庫全書

唐鑑古
目錄

及第與長行拜官相次

別頭及第

及第後隱居

入道

卷九

防慎不至

誤擬惡名

好知己惡及第

好及第惡登科

勅賜及第

表薦及第

惡得及第

芳林十哲

四凶

卷十

載應不捷聲價益振

欽定四庫全書

唐書

海叙不遇

韋莊奏請追贈不及第人近代者

卷十一

反初及第

反初不第

無官

薦舉不捷

已得復失

以德報怨

惡分疎

怨怒黃直附

卷十二

自負

輕佻戲謔嘲咏附

設奇沽譽

酒失

欽定四庫全書

唐書

卷十三

敏捷

矛盾

惜名

無名子謗議

卷十四

主司稱意

主司失意

卷十五

雜記

條流進士

閩中進士

賢僕夫

舊語

切忌

沒用處

欽定四庫全書

唐書

臣等謹案唐書十五卷五代王定保撰定

保舊本不題其里貫其散序一篇稱王溥為從翁則溥之族也陳振孫書錄解題謂定保為吳融之壻光化三年進士喪亂後入湘南考定保登第之歲距朱溫篡唐僅六年又序中稱溥為丞相則是書成于顯德元年以後故題唐國號不復作內詞歟然定保生于咸通庚寅至是年八十五矣不審何以尚能著

書也同時南唐鄉貢士何晦亦有唐書十五卷與定保書同名今晦書未見而定保書

刻於商氏釋海者刪削大半殊失其真此本

為松江宋賓王所錄末有跋語稱以汪士鉉

本校正較釋海所載特為完備近日楊州新

刻即從此錄出者也惟是晁公武讀書志稱

是書分六十三門而此本實一百有三門數

目差舛不應至是豈商濬之前已先有刪本

耶是書述有唐一代貢舉之制特詳多史志

所未及其一切祿事亦足以覘名場之風氣

驗士習之淳澆法戒兼陳可為永鑒不止小

說祿家但記異聞已也據定保自述蓋聞之

陸扆吳融李渥顏堯王溥王渙盧延讓楊贊

圖崔籍若等所談云乾隆四十一年七月恭

校上

校上

欽定四庫全書

唐書

總纂官臣紀昀臣陸錫熊臣孫士毅

總校官臣陸費墀

欽定四庫全書

唐書
目錄

十

唐撫言卷一

唐 王定保 撰

統序科第

周禮鄉大夫具鄉飲酒之教考其德行察其道藝三年
舉賢者貢于王庭非夫鄉舉里選之義源于中古乎夫
子聖人始以四科齒門弟子後王因而範之漢革秦亂
講求典禮亦解循塗方輟以須賢俊考德行則升孝廉
而激浮俗掄道藝則第雋造而廣人文故郡國貢士無
虛歲矣繇是天下上計集于大司徒府所以顯五教于
萬民者也我唐沿隋法漢孜孜矻矻以事草澤琴瑟不
改而清濁殊塗丹漆不施而豐儉異致始自武德辛巳
歲四月一日勅諸州學士及蚤有明經及秀才俊士進
士明于治體為鄉里所稱者委本縣考試州長重覆取
其合格每年十月隨物入貢斯我唐貢士之始也厥有
沿革錄之如左

欽定四庫全書

唐撫言
卷一

貢舉廢革并行鄉飲酒

開元二十五年二月初應諸州貢士上州歲貢三人中州二人下州一人必有才行不限其數所宜貢之人解送之日行鄉飲禮牲用少牢以官物充

會昌五年舉格節文

公卿百寮子弟及京畿內士人寄客外州府舉士人等修明經進士業者並隸名所在監及官學仍精加考試所送人數其國子監明經舊格每年送三百五十人今

欽定四庫全書

唐書

三

請送二百人進士依舊格送三千人其隸名明經亦請送二百人其宗正等進士送二十人其東監同華河中送進士不得過三十人明經不得過五十人其鳳翔山南西道東道荆南鄂岳湖南鄭滑浙西浙東鄜坊宣商涇邠江南江西淮南西川東川陝虢等道所送進士不得過一十五人明經不得過二十人其河東陳許汴徐泗易定齊德魏博澤潞幽孟靈夏淄青鄆曹兗海鎮冀麟勝等道所送進士不得過一十人明經不得過十

五人金汝鹽豐福建黔府桂府嶺南安南邕容等道所送進士不得過七人明經不得過十人其諸支郡所送人數請中觀察使為解都送不得諸州各自申解諸州府所試進士雜文據元格並合封送省准開成三年五月三日勅落下者今緣自不送所試以來舉人公然拔解今諸州府所試各須封送省司檢勘如病敗不近詞理州府妄給解者試官停見任用闕

述進士上篇

欽定四庫全書

唐書

三

永徽已前俊秀二科猶與進士並列咸亨之後凡由文學舉子有司者競集于進士矣繇是趙修等當刪去俊秀故目之曰進士登科記古者閭有序鄉有庠以時教行禮而視化焉其有秀異者則升于諸侯之學諸侯歲貢其尤著者移之于天子升于太學故命曰造士然後命焉周禮大樂正論造士之秀者以告于王而升諸司馬司馬論辨官材論進士之賢以告于王者而定其論論定然後官之任官然後爵之位定然後祿之若列之

子科目則俊秀盛於漢魏而進士隋大業中所置也如侯君素孫伏伽皆隋之進士也明矣然彰於武德而甲於貞觀蓋文皇帝修文偃武天贊神授嘗私幸端門見新進士綴行而出喜曰天下英雄入吾彀中矣若乃光宅四夷垂祚三百何莫由斯之道者也

述進士下篇

元和中中書舍人李肇撰國史補其畧曰進士為時所尚久矣是故俊又實在其中由此而出者終身為文人

欽定四庫全書

唐書

四

故爭名常為時所重其都會謂之舉場通稱謂之秀才投刺謂之鄉貢得第謂之前進士互相推敬謂之先輩

俱捷謂之同年近年及第未過關試皆稱新及第進士所以韓中丞儀嘗有知聞近過關試儀

以一篇紀之曰短行納了付三銓休把新街座主京兆府考而升者謂之等第外府不試而貢者謂

之拔解然拔解亦須預託人將試各相保謂之合保羣為詞賦非謂白篇

居而賦謂之私試造請權要謂之關節激揚聲價謂之還往既捷列名於慈恩寺塔謂之題名大宴於曲江亭

子謂之曲江會

曲江大會在於開試後亦謂之開字字藉後同年各有所之亦謂之為離會

而入選謂之春闈不捷而醉飽謂之打盹燥匿名造謗謂之無名子退而肄業謂之過夏執業以出謂之夏課

亦謂之挾藏入試謂之書策此其大畧也其風俗繁於秋卷

先達其制置存於有司雖然賢者得其大者故位極人臣常有十二三登顯列十有六七而元魯山張睢陽有

馬劉闢元脩有馬

散序進士

欽定四庫全書

唐書

五

進士科始於隋大業中盛於貞觀永徽之際搢紳雖位極人臣不由進士者終不為美以至歲貢常不減八九百人其推重謂之白衣公卿又曰一品白衫其艱難謂之三十老明經五十少進士其負倜儻之才變通之術蘇張之辨說荆聶之膽氣仲由之武勇子房之籌畫弘羊之書計方朔之詼諧咸以是而晦之修身慎行雖處子之不若其有老死於文場者亦所無恨故有詩云太宗皇帝真長策賺得英雄盡白頭獨孤及撰河南府法曹

參軍張從師墓誌云從師祖損之隋大業中進士甲科位至侍御史諸曹員外郎損之生法以碩學麗藻名動京師亦舉進士自監察御史為會稽令

兩監

按實錄西監隋制東監龍朔元年所置開元以前進士不由兩監者深以為恥李華員外寄趙七侍御詩畧曰昔日蕭邵友四人才成童華與趙七侍御驛蕭十功曹遊太學皆苦貧共敝五人登科相次與校邵後二年擢第以寬橫貶卒南中

欽定四庫全書

唐書

六

又郭代公崔湜范履冰輩皆由太學登第李肇舍人撰國史補亦云天寶中袁咸用劉長卿分為朋頭是時常重兩監爾後物態澆漓矜于世祿以京兆為榮美同華為利市莫不去實務華棄本遂末故天寶二十載勅天下舉人不得言鄉貢皆須補國子及郡學生廣德二年制京兆府進士並令補國子生斯乃救壓覆者耳奈何人心既去雖拘之以法猶不能勝矧或執大政者不常其所立既非自我則所守亦不堅矣緣是貞元十年

已來殆絕於兩監矣貞觀五年已後太宗數幸國學遂增築學舍一千二百間增置學生凡三千二百六十員無何高麗百濟新羅高昌吐蕃諸國酋長亦遣子弟請入國學之內八千餘人國學之盛近古未有至永淳以後乃廢龍朔二年九月勅學生在學各以長幼為序初入學皆行束脩之禮各絹三匹四門學生各絹二匹雋士及律書算學州縣學各絹一疋皆有酒脯其分束脩三分入博士二分助教又每年國子監所管學生國監試州縣學生當州試並藝業優長者為試官仍長官監試其試者通計一年所授之業口問大義十條得八已上為上得六已上為中得五已下為下類三不及在學九年律生六年不任貢舉者並解退其從縣向州者數下第並須通計服闋重任者不在計限諸博士助教皆分經授每一經必令終講未終不得改業開元二十一年五月勅諸州縣學生二十五已下八品九品子弟若庶人並年二十一已下通一經已上未及一經而精神

欽定四庫全書

唐書

七

聽悟有文詞史學者每年銓量舉送所司簡試聽入四門學充俊士即諸州貢人省試下第情願入學者聽國子監所管學生尚書省補州縣學生州縣長官補州縣學生取郭下縣人替諸州縣學生習本業之外仍令兼習吉凶禮公私有禮事令示儀式餘皆不得輒使諸百姓立私學其欲寄州縣學授業者亦聽會昌五年正月勅公卿百寮子弟及京畿內土人寄修明經進士業者並宜隸名太學外州寄學及土人並宜隸名所在官學

欽定四庫全書

唐書

八

永為常制

西監

元和二年十二月奏兩京諸館學生總六百五十員每館定額如後西京學生五百五十員國子監八十員太學七十四員四門館三百員廣文館六十員律館算館各十員又奏伏見天寶已前國學生其數至多並有員額至永泰後西監置五百五十員東監近置一百員未定每館員額今謹具每館定額如前伏請下禮部准格

補置勅旨依

東監

東監元和二年十二月勅東都國子監量置學生一百員國子館十員太學十五員四門五十員律館十員廣文館十員書館三員算館二員

鄉貢

鄉貢里選盛於中古乎今之所稱蓋本同而末異也今之解送則古之上計也漢武帝置五經博士

欽定四庫全書

唐書

九

數十人漢置五經而已太常選民年十八已上好學者補弟子郡

國有好文學敬順於鄉黨者令與計偕授業太常如弟子一歲輒課通經藝補文學掌故上第為郎其秀異等太常以名聞其下才不事學者罷之若等雖舉於鄉亦由於學兩漢之制蓋本乎周禮者也有唐貞觀以前兩監之外亦頗重郡府學生然其時亦由鄉里所升直補監生而已爾後膏粱之族率以學校為鄙事若鄉貢蓋假名就貢而已景雲之前鄉貢歲二三千人蓋用古之

鄉貢也咸亨五年七世伯祖鸞臺鳳閣龍石白水公時
任考功員外郎下覆試十一人內張守真一人鄉貢開
耀二年劉思玄下五十一人內雍思泰一人永淳二年
劉廷奇下五十五人內元求仁一人光宅元年閏七月
二十四日劉廷奇重試一十六人內康廷芝一人長安
四年崔湜下四十一人李溫玉稱蘇州鄉貢景龍元年
李欽讓稱定州鄉貢附學爾來鄉貢漸廣率多寄應者
故不甄別於榜中信本同而未異也明矣大厯中楊綰
疏請復舊章貴全乎實尋亦寢於公族垂空言而已

欽定四庫全書

唐書

十

廣文

天寶九年七月詔於國子監別置廣文館以舉常修進
士業者斯亦救生徒之離散也始其春官氏擢廣文生
者名第無高下貞元八年歐陽詹第三人李觀第五人
爾來此類不乏暨大中之末咸通乾符以來率以為末
第或曰鄉貢賓也學生主也主宜下於賓故列於後也
大順二年孔魯公在相位思矯其弊故特置吳仁璧於

蔣肱之上年公得罪去職及第者復尋常而已悲夫

兩都貢舉

永泰元年始置兩都貢舉禮部侍郎官號皆以知兩都
為名每歲兩地別放及第自大厯十一年停東都貢舉
是後不置

試雜文

進士科與雋秀同源異派所試皆答策而已兩漢之制
有射策對策二義者何射者謂列策於几案貢人以矢
投之隨所中而對之也對則明以策問授其人而觀其
臧否也如公孫弘董仲舒皆由此而進者也有唐自高
祖至高宗靡不率由舊章垂拱元年吳師道等二十七
人及第後勅批云畧觀其策並未盡善若依今式及第
者惟祇一人意欲廣收其材通三者並許及第後至調
露二年考功員外劉思玄奏請加試帖經與雜文文之
高者放入策尋以則天革命事復因循至神龍元年方
行三場試故常列詩賦題目於榜中矣

欽定四庫全書

唐書

十二

朝見

國朝舊式天下貢士十一月一日赴朝見長壽二年拾遺劉承之上疏請元日舉人朝見列於方物之前從之見狀臺司按賢中使宣口勅慰諭建中元年十一月朝集使及貢士見於宣政殿兵興以來四方不上計內外不會同者二十五年矣今計吏至一百七十三人矣仍今朝集使每日二人待制

謁先師

開元五年九月詔曰古有賓獻之禮登於天府揚於王庭重學尊師興賢進士能美風俗成教化蓋先王之繇焉朕以寡德欽若前政思與子大夫復臻於理故他日訪道有時忘餐乙夜觀書分宵不寐悟專經之義篤學史之文永懷覃思有足尚者不示褒崇孰云獎勵其諸州鄉貢明經進士見訖宜令引就國子監謁先師學官為之開講質問其義宜令所司優厚設食兩館及監內得舉人亦准其日清資官五品已上及朝集使往觀禮

即為常式易曰學以聚之問以辨之詩曰如切如磋如琢如磨此朕所望於習才也

進士歸禮部

俊秀等科比皆考功主之開元二十四年李昂員外性剛急不容物以舉人皆飾名求稱搖蕩主司談毀失實竊病之而將革焉集貢士與之約曰文之美惡悉知之矣考校取舍存乎至公如有請託于時求聲於人者當首落之既而昂外舅常與進士李權鄰居相善乃舉權

于昂昂怒集貢人召權庭數之權謝曰人或畏知竊聞於左右非敢求也昂因曰觀衆君子之文信美矣然古人云瑜不掩瑕忠也其有詞或不典將與衆評之若何皆曰唯公之命既出權謂衆曰向之言其意屬我也吾誠不第決矣又何藉焉乃陰求昂瑕以待之異日會論昂果斥權章句之疵以辱之權拱手前曰夫禮尚往來來而不往非禮也鄙文不臧既得而聞矣而執事昔有雅什嘗聞於道路愚將切磋可乎昂怒而嘻笑曰有何

不可權曰耳臨清渭洗心向白雲閒豈執事之詞乎昂
 曰然權曰昔唐堯堯耄厭倦天下將禪于許由由惡聞
 故洗耳今天子春秋鼎盛不揖讓於足下而洗耳何哉
 是時國家事謚百寮畏法令兢兢然莫敢跌昂聞惶駭
 蹶起不知所酬乃訴於執政謂權風狂不遜遂下權吏
 初昂強懷不受囑請及是有請求者莫不允從由是廷
 議以省郎位輕不足以臨多士乃詔禮部侍郎專之矣
 論曰永徽之後以文儒亨達不由兩監者稀矣于時場
 籍先兩監而後鄉貢蓋以朋友之臧否文藝之優劣切
 磋琢磨匪朝伊夕抑揚去就與衆共之有如趙邵蕭李
 趙麟邵軫蕭妻師德郭元振龐不名遂功成
 顧士李華妻郭苑陳龐咸陳子昂交全分契泊乎近代厥道寢微玉石不分薰蕕錯雜長
 我之望殊缺遠方之來亦乖止謂羣居固非瓦合是知
 生而知之者性也學而知之者習也渾金璞玉又何追
 琢之勞乎潢汙行潦又何版築之置乎紵衣之獻彼跡
 踈而道親也畫龍之効斯面交而心賊也後之進者定

交擇友當問道之何如

唐撫言卷一

唐撫言卷二

唐 王定保 撰

京兆府解送

神州解送自開元天寶之際率以在上十人謂之等第必求名實相副以滋教化之源小宗伯倚而選之或至渾化不然十得其七八苟異於是則往往牒貢院請落由暨咸通乾符則為形勢吞嚼臨制近同及第得之者互相誇詫車服侈靡不以為僭仍期集人事貞實之士不復齒所以廢置不定職此之由其始末錄之如左

元和元年登科記京兆等第榜叙

天府之盛神州之雄選才以百數為名等列以十人為首起自開元天寶之世大厯建中之年得之者搏躍雲衢階梯蘭省即六月冲霄之漸也今所傳者始于元和丙戌歲次序名氏目曰神州等第錄

廢等第

開成二年大尹崔珙判云選文求士自有主司州府送名宜合差等今年不定高下不鎖試官既絕猜嫌暫息浮競差功曹盧宗回主試除文書不堪送外便以所下文狀為先後試雜文後重差司錄侯雲章充試官竟不列等第明年崔珙出鎮徐方復置等第

大中七年韋澳為京兆尹榜曰朝廷將裨教化廣設科場當開元天寶之間始專明經進士及貞元元和之際又益以薦送相高當時唯務切磋不分黨甲絕僥倖請

託之路有推賢讓能之風等列標名僅同科第既為盛事固可公行近日以來前規頓改互爭強弱多務奔馳定高卑於下第之初決可否於差肩之日曾非考覈盡繫經營與學雄文例舍于貞方寒素增年矯貌盡取於朋比羣強雖中選者曾不足云而爭名者益熾其事澳叨居畿甸合貢英髦非無藻鑑之心懼有愛憎之謗且李膺以不察孝廉去任胡廣以輕舉茂才免官況在管窺實難裁處況禮部格文本無等第府解不合區分其

今年所合送省進士明經等並以納策試前後為定不在更分等第之限

置等第

乾符四年崔涓為京兆尹復置等第差萬年縣尉公乘

億為試官 試火中寒暑退賦 殘月如新月詩

李時文公孫 韋劖 沈駕 羅隱 劉纂 倪曙

唐駢 周繁池人善賦 吳廷隱 賈涉其年所試八韻涉擅場而屈其等第

府元落

欽定四庫全書

唐書

郭求元和 楊正舉六唐 高欽九 平曾長慶二

崔仲寶歷二 韋鋌太和 鄭從謹開成 韋瑑乾寧

等第末為狀元

李固言元和七年

等第寵舉

劉隲 田悅並元和七年 張僕 韋元佐並元和

孟夷十二 韋璟十四 辛諒 崔穀

薛暉並長慶元年 韋漸 李餘並二年 郭崖

李景方 盧鑑並寶曆元年 韋教二年 元道

韋衍並太和二年 殷恪 劉鈞並八年 崔漬開成二年

胡渙 樊京並開年 溫岐四年 蘇俊開年

韓宁會昌二年 李蕃 韓肱並三年 魏錄

孫璵並四年 韋劖 沈駕 羅隱

周繁並乾符三年

為等第後又方及第

韋力仁 趙蕃 黃頤並十三年 劉纂後二十一年

欽定四庫全書

唐書

論曰孟軻言遇不遇命也或曰性能則命通以此循彼

匪命從於性耶若乃大者科級小者等列當其角逐文

場星馳解試品第潛方於十哲春闈斷在於一鳴奈何

取舍之源殆不踵此或解元永黜或高等尋休黃頤以

洪奧文章蹉跎者一十三載劉纂以平漫子弟汨沒者

二十一年溫岐濫竽於白衣羅隱負冤於丹桂由斯言

之可謂命通性能豈曰性能命通者歟苟佛於是何姦

元札常不有之矣京兆府解試比同禮部三場試舉題之後並只就一場耳